



ЖЕРДІ ҚАЛАЙ
ҚҰТҚАРАМЫЗ?

5-БЕТ | САРАПТАМА



МАСЫЛДЫҚ МҰРАТҚА
ЖЕТКІЗБЕЙДІ

7-БЕТ | ӘЛЕУМЕТ

“”

Қасым-Жомарт ТОҚАЕВ,
ҚАЗАҚСТАН РЕСПУБЛИКАСЫНЫҢ ПРЕЗИДЕНТІ:

РЕФОРМАЛАРЫМЫЗДЫҢ ТҮПКІ МАҚСАТЫ – ХАЛЫҚТЫҢ ӨМІРІН ЖАҚСARTУ. ОЛ ҮШІН ТҮРҒЫНДАРДЫҢ ТАБЫСЫН КӨБЕЙТУ КЕРЕК. ЖАЙЛЫ ӨМІР СҮРУІНЕ ЖАҒДАЙ ЖАСАП, ҚАУІПСІЗДІГІН ҚАМТАМАСЫЗ ЕТУ ҚАЖЕТ. АЗАМАТТАРДЫҢ ӨЗІН-ӨЗІ ДАМУЫНА БАРЛЫҚ МҮМКІНДІК ЖАСАЛУҒА ТИІС. МҰНЫҢ БӘРІН МЫҚТЫ НАРЫҚТЫҚ ЭКОНОМИКА БОЛСА ҒАНА ТАБЫСТЫ ЖҮЗЕГЕ АСЫРА АЛАМЫЗ.

№47
(4480)
Сенбі
22 сәуір
2023 жыл



ASTANA

ELORDA
AQPARAT
МЕДИА ХОЛДИНГІ

РЕСПУБЛИКАЛЫҚ ҚОҒАМДЫҚ-САЯСИ ГАЗЕТ

A Q S H A M Y

1990 ЖЫЛҒЫ 13 ҚАЗАННАН БАСТАП ШЫҒАДЫ



Оңалхан ӨНЕРХАН



БАЛАҒЫЗДЫ SIM-КАРТАМЕН БАҚЫЛАЙСЫЗ

Оқу-ағарту министрлігі балаларға арналған жеке SIM-карта жүйесін қолданысқа енгізу туралы ұсыныс білдірді.

Балалар мен ата-аналардың телефонын байланыстыру арқылы іске қосылатын SIM-карта ата-аналардың балаларын тікелей бақылай алатынына мүмкіндік береді.

«Біз бұл жүйені енгізуді ұсынамыз. Бұл баланы бақылауға мүмкіндік береді. Яғни балаңыз қандай сайттарға кіреді, қандай әлеуметтік желілерде отырады дегенді тікелей көре аласыз. Сонымен қатар уақытты шектеу мүмкіндігі де бар. Біз министрлік тарапынан балалардың қауіпсіздігі үшін осы жүйені қолданысқа енгізуді ұсынамыз» дейді Оқу-ағарту вице-министрі Еділ Оспан.



ЕЛДЕГІ ЕҢ ҰЗЫН АДАМ

Атырау облысы Индер ауданының тұрғыны Парасат Нұрғалиев Қазақстанның рекордтар кітабына «Елдегі ең ұзын адам» ретінде енді. Бұл жөнінде «Elorda info» хабарлады.

Қазақстанның рекордтар кітабының ресми мәліметі бойынша Парасат Нұрғалиевтің бойы – 218,5 сантиметр. Ол сондай-ақ ең үлкен аяқтың да иесі болып отыр. Оның аяқ киімінің өлшемі – 56. Ал салмағы 150 келі тартады.



«ASTANA
AQSHAMY»
ГАЗЕТІНЕ ЖАЗЫЛУ
ЖҮРІП ЖАТЫР

ЖІГЕРЛІ ЖАСТАР ЖҰМЫССЫЗ ЖҮРМЕЙДІ

Жастарды жұмыспен қамту бүгінгі таңда өзекті мәселенің біріне айналып отыр. Осы орайда Астана қаласы әкімдігінің бастамасымен бірқатар іс-шара қолға алынған. Соның бірегейі – жастарға арналған бос жұмыс жәрмеңкесі. Кеше елордада өткен кезекті жәрмеңкеде 50-ден аса жұмыс беруші 450 жұмыс орнын ұсынды.

3

ЕНДІ ЖАҒЫР ЖАУАДЫ

«Қазгидромет» 22-24 сәуір күндері еліміздің басым бөлігінде жаңбыр жауатынын болжайды.

Синоптиктердің мәліметінше, циклон батыстан шығысқа қарай жылжи отырып, жауын-шашынның болуына ықпал етеді. Кейбір өңірде тұман болып, жел күшейіп, найзағай ойнайды деп күтілуде.

Астанада ауыспалы бұлт болып, ауа температурасы түнде -6-8 аяз, ал күндіз +13-15 градусқа дейін жылынады деп болжанып отыр. Сондай-ақ, жаңбыр жауатыны айтылады. Егер елордада жаңбыр жауып жатса, онда кетпей жатқан қарды ерітіп кетіретіні сөзсіз.

BUS LANE-мен БАЙҚАП ЖҮР

22 сәуірден бастап Астанадағы А.Пушкин көшесінен Манас көшесіне дейінгі учаскеде Абылай хан даңғылы бойында қоғамдық көлікке бөлінген жолақпен автомобильдердің қозғалу уақытын өзгерту жоспарланып отыр. Бұл туралы елорданың Көлік және жол-көлік инфрақұрылымын дамыту басқармасы мәлімдеді.



Қоғамдық көліктен басқа барлық автомобильге жұмыс күндері сағат 06:30-дан 20:00-ге дейін арнайы жолақпен жүруге тыйым салынады. Сенбі, жексенбі және мереке күндері көліктерге Bus Lane арқылы жүруге рұқсат етіледі.

Жол қозғалысының барлық қатысушысы сақ болып, өз бағытын алдын ала жоспарлауы қажет. Жүргізушілер белгіленген жол белгілерін басшылыққа алып, ҚР жол қозғалысы ережелерінің талаптарын сақтауы тиіс.



ДЕПУТАТТАР ТҮРҒЫНДАРДЫ ҚАБЫЛДАЙДЫ

Астана қаласы мәслихатының VIII шақырылым депутаттары, өз партиялары мен жұмыс орындарының қоғамдық қабылдауларынан бөлек, азаматтарды Бейбітшілік, 9 (1-қабат) мекенжайы бойынша бұрынғы орталық әмбебап дүкені ғимаратында қабылдайды. Бұл туралы мәслихат төрағасы Ерлан Каналимов өзінің әлеуметтік желідегі парақшасында жазды.

«Әр депутаттың жеке кестімен елордалық мәслихаттың www.maslihat01.kz сайтындағы «Астана қаласы мәслихатының VIII шақырылым депутаттарының азаматтарды қабылдау кестесі» айдарында таныса аласыздар.

Елордалық мәслихат төрағасы азаматтарды апта сайын әр бейсенбі күні қабылдайды. Азаматтарды қабылдауға жазылуы қалалық мәслихат аппараты кеңсесінің қызметкері 55-54-83, 55-66-31 телефондары арқылы

жүзеге асырады. Қызметкер өтініш берушінің деректерін және мәселенің қысқаша мазмұнын өңдеп, содан кейін келушілерді есепке алу карточкасы арқылы тіркейді» деп түсіндірді Е.Каналимов.

ИНФРАҚҰРЫЛЫМДЫҚ МӘСЕЛЕЛЕР ШЕШІЛУІ КЕРЕК

Елордада тонау, бопсалау, интернет-алаяқтық, көлік ұрлау сияқты қылмыстардың ашылуы жақсарды. Соңғы 5 жылда, халық санының тұрақты өсуіне қарамастан, қылмыс саны 2 есеге азайды. Бұл туралы елорда мәслихатының төрағасы Ерлан Каналимов мәлім етті. Оның айтуынша, биыл бас қалада 8 учаскелік және 3 модульдік полиция пунктіннің құрылысы жоспарланған.

«Астананың жаңа ауданының құрылуына байланысты Нұра ауданының полиция басқармасы үшін ғимарат салу қажеттілігі туындап отыр. Сол жағалауда қосымша арнайы жедел әрекет ету жасағын орналастыруға болар еді. Осыдан бірнеше жыл бұрын мәслихат депутаттары штат саны 900-ге жуық адамға жететін арнайы жедел әрекет ету жасағы үшін Есідің оң жағалауынан ғимарат салу үшін ақша бөлуді қолдағаны мәлім. Осыған орай, мәслихаттағы басқосуда елорда тұрғындары мен қонақтарының қауіпсіздігі, сондай-ақ қылмыстарды жедел ашу үшін тұрғын үй кешендерінің ауласында, кіреберісінде бейнебақылау камерасын көбейтуге назар аудардым» деді мәслихат төрағасы.



СУБЕЛІ СӨЗ



Андрей ЛУКИН, Сенат депутаты:

Бизнес-иммигранттардың визасыз 198 компаниясында 4 млрд теңге берешегі бар. 1,5 мыңнан астам компания тіркеу орнында жоқ және 2 мыңға жуық фирма жұмыс істемейді. Шетелдік бизнесмендер Қазақстан бюджетіне 4 млрд теңгеден астам қарыз. Шетелдіктер Қазақстанда өз компанияларын тіркегеннен кейін біздің елден кетіп қалады, алайда құрылған фирмаларды жалған шот-фактуралар жазу, салық төлеуден жалтару және қаржыны көлеңкелі айналымға шығару үшін

пайдаланады. Бұл толық дерек емес. Мемлекеттік кірістер органдары заңды тұлғаны құру кезінде заңнамалық бұзушылықтарға жол беруіне байланысты оны тарату жолымен талап қоюға құқылы. Заңды тұлғаны құрған шетелдіктің бизнес-иммигрант визасын алмауы – осындай бұзушылықтың бірі. Алайда республикалық маңызы бар облыстар мен қалаларда белгіленген заңды тұлғаның мемлекеттік тіркеуден өтуін тану шаралары жалпыға бірдей қолға алынбаған.

(21.04.2023 ж. Қаржы министрі Ерлан Жамаубаевқа жолдаған депутаттық сауалынан алынды)

ЕЛЕҢ ЕТКІЗЕР

Әлемде балалар вакцинациясына деген сенім төмендеп барады.

ЮНИСЕФ өз есебінде 2019-2021 жылдар аралығында 48 миллион бала вакцина алмағанын, ал тағы 19 миллион баланың тек ішінара екпе алғанын көрсетеді. Бұл, мысалы, қызылша ауруының екі есе артуына және алдын алуға болатын полиомиелит инфекциясының жыл сайын 16 пайызға төмендеуіне себеп болды. Бірақ бұл Африка мен Оңтүстік Азиядағы ең көп зардап шегетін вакцина тапшылығымен де байланысты.



SpaceX-тің Оңтүстік Техастағы Starbase-те ұшыру қондырғысынан ұшырылған алып Starship зымыраны бірнеше минуттан кейін жарылған.

«Бұл толығымен біріктірілген Starship ғарыш кемесі мен SpaceX Super Heavy зымыранының алғашқы сынағы болды. SpaceX біздің өмірімізді көп планеталық етуге тырысады» деп жазды компания Twitter-дегі аккаунтында. Starship-ті ұшыру осыдан бір ай бұрын техникалық ақауға байланысты тоқтатылған еді.



Қытай билігі тақырыптық мұражайлар мен білім орталықтарын ашу арқылы дәстүрлі медицина мәдениетін танымал етуге күш салуда.

ҚХР 2022 жылдың соңына қарай елде дәстүрлі қытай медицинасының 83 мұражайы жұмыс істейді. Осыған орай, елімізде дәстүрлі қытай медицинасына қатысты мәдени жәдігерлерді жинау, қорғау және зерттеу, көрмелер өткізу және соған байланысты білімді насихаттаумен айналысатын мекеме құрылды.

СУ ТАПШЫЛЫҒЫН АЗАЙТАДЫ

Астана қаласы мәслихатының депутаттары сорғы-сүзгі станциясының (3-ССС) құрылыс барысымен танысты. Мәслихат депутаттарымен бірге сенатор Бибігүл Жексенбай да құрылыс алаңына барып, нысанның жай-күйін көзбен көріп, жұмысшылармен тілдесті.

Нысанды аралау барысында депутаттар өз ұсынысын айтып, құрылыс қарқынын жеделдетуді тапсырды. Бүгінгі таңда сорғы-сүзгі станциясының құрылысы 85 пайызға аяқталған. Бұл станция биыл жазда салынып бітіп, қыркүйек айында пайдалануға берілсе, Есіл және Алматы аудандарын толық сумен қамтамасыз етеді.

Елордада халық саны өскенмен, бар болғаны екі су сорғы станциясы жұмыс істейді. Жаңадан салынып жатқан үйлер көбейген сайын су тапшылығы туындап отырғаны мәлім. Қазір қолда бар құрылыстардың мүмкіндігі елордалықтарды тіршілік нәрімен толық қамтамасыз

етуге жетпейді. Сол себепті де «Астана су арнасы» су қысымын азайтып, амалдап отыр. Мамандар мәселе үшінші сорғы-сүзгі станциясы қолданысқа берілгенде шешіледі деп сендіруде. 2021 жылдан бері салынып жатқан нысан биыл жазда іске қосылуы тиіс. №3 су сорғы-сүзгі станциясы Алматы ауданындағы Интернационал тұрғын үй алабы маңында салынып жатыр. Станцияның қуаттылығы – тәулігіне 305 мың текше метр. Тапшылықты жою үшін тағы 30 мың текше метр су керек. Бұл станция су тапшылығын жоюды.

Салынып жатқан үшінші сорғы-сүзгі станциясының құрылысы тамызда толығымен

аяқталады деп сендірді мәслихат депутаттарын станцияны салып жатқан мердігер компания өкілдері. Бірінші кезең мамырдың аяғында немесе маусымның басында аяқталады. Жаңа сорғы-сүзгі станциясы күніне қосымша 100 мың текше метр су береді. Бұл станция су көзін Вячеслав су қоймасынан алады. Аталған су қоймасының мүмкіндігі тәусілдеп жатыр. Сондықтан Сәтпаев каналынан су жүретін құбыр тартылуы мүмкін. Мәслихат депутаттары станцияның құрылыс барысын бақылауда ұстап, мұнда жиі келіп тұратын болып келісті.

Аяулым АЛТЫНБЕК



«ДУБЛИН» ЖӘНЕ «ВАШИНГТОН» НЕ ҮШІН СҮРІЛЕДІ?

Астана қаласы Әділет департаменті басшысының орынбасары Азамат Бердібеков «Дублин» және «Вашингтон» тұрғын үй кешендерін сүру туралы шешімге қатысты түсініктеме берді.

Құзырлы ведомство өкілі 4 сәуірде мамандандырылған ауданаралық экономикалық сот «Стройгруп 2021» ЖШС Ш.Айтматов пен Ж.Молдағалиев көшелерінің қиылысында орналасқан заңсыз салынған құрылысты өз есебінен сүруді міндеттеу туралы шешім шығарғанын айтты. Оның айтуынша, сот орындаушысы жауапкерге талапты орындау қажеттілігі туралы бірнеше рет хабарлаған.

«Алайда «Стройгруп 2021» ЖШС тарапынан барлық талап ескерілмеді. Осыған байланысты атқарушылық іс жүргізу және сот орындаушысы мәртебесі заңына сүйеніп отырып, сот актісі талабының міндетін өкімдікке, яғни талапкер-өндіріп алушы – «Отын-энергетика кешені басқармасы» ММ-ге жүктеу туралы шешім қабылданды.

Қаулы негізінде басқарма бүгін арнайы техника мен жұмысшыларды тарта отырып, сүру, яғни мәжбүрлеп орындауға бағытталған пәрменді шаралар қабылдады» деді ол. А.Бердібеков жауапкердің

үйлерді сүру жұмысына қарсылық танытқанын жеткізді. «Ол техниканың кіруіне және сүру жұмысының басталуына жол бермеді. Бұл факт бойынша полиция қазірдің өзінде тиісті шараларды қолға алды. Оны полиция бөліміне алып кетті. Бұл – полицияның құзыретіндегі іс. Талқы нәтижелерін күтетін боламыз» деді Азамат Бердібеков.

Ол салымшылардың құрылыс компаниясымен келісімшартты бұзуға немесе құзыретті органдарға жүгіну арқылы ақшаларын қайтарып алуға құқығы бар екенін атап өтті.

«Сондай-ақ сот шешімі заңды күшіне енгені жайлы пікірді көзім шалып қалды. Иә, ол заңды күшіне енген жоқ. Мамандандырылған аудан аралық экономикалық соттың б сәуірдегі шешімі бойынша бұл сот актісі дереу орындау үшін Әділет департаментіне келіп түсті. Дерек орындалмағаны деген сот шешімі келіп түскенде, біз атқарушылық іс жүргізуді қозғаймыз. Яғни ол орындалуға жатады».

«Вашингтон» ТК-ға келетін болсақ, Бердібековтің ақпараты бойынша сот актісін орындамағаны үшін ҚР ӘҚБТК-нің 669-бабы бойынша өкімшілік материал жинақталды.

«Өкімшілік сот айыпталушы тарапты кінәлі деп танып, өкімшілік жазаға тартты. Сондай-ақ мемлекет кірісіне өсімпұл бірнеше рет өндірілді. Әрбір кешіктірілген күн үшін. Республикалық бюджетке. Ол да сүріледі. Қазіргі уақытта сот орындаушылары өкімдікпен бірге бұзу мәселені пысықтауда. Заңсыз салынған ғимарат болғандықтан, өтемақы (құрылыс салушыға) алуды білдіреді деген болмайды. Керісінше, сот актісін мәжбүрлеп орындауға бағытталған барлық шығын борышкерге жүктеледі. Біз сотқа жүгінеміз, олардан өндіреміз» деп түсіндірді ол.

Департамент басшысының орынбасары борышкер ТК-ны өз бетінше бұзуға міндеттелгенін, егер ол мұны жасамаса, онда сот орындаушылары іске асыратынын мәлім етті.



БОС УАҚЫТ ТИІМДІ БОЛСЫН

Астана қалалық мәслихатының отырысында Білім беру басқармасының басшысы Қасымхан Сенғазыев жасөспірімдер арасында салауатты өмір салтын насихаттауға бағытталған спорттық, ағартушылық және мәдени іс-шараларды өткізу, есептің барлық түрлерінде тұрған кәмелетке толмағандар үшін бос уақытты ұйымдастыру туралы баяндама жасады.

Қазіргі уақытта мектептегі білім беру аясында жүзеге асырыла бермейтін салалар бойынша балалардың танымдық қызығушылықтары мен қажеттіліктерін қанағаттандырумен байланысты білім беру қызметі кеңейіп келеді. Балалардың бойында ұлттық құндылықтарды дарыту және бос уақыттарын тиімді пайдалану мақсатында, жаңа оқу жылынан бастап бірқатар іс-шаралар өткізіліп, «Тоғыз айға 9 іс-шара» тұжырымдамасы бекітілді. Аталған тұжырымдама негізінде қосымша білім беру және білім беру ұйымдары арасында: сергіту сәті, әнұран айту, асық ату, шығарма жазу, болашаққа хат, қазақ есебі, оқуға құштар мектеп, домбыра, шахмат ойнау, жасыл мекен челленджері жүзеге асырылып келеді.

Қосымша білім берудің маңызды көрсеткіштерінің бірі – балалардың бұқаралық спорт түрлерімен белсене айналысуы. Мектептен тыс ұйымдарда және жалпы білім беретін мектептерде спорт секцияларымен қамтылған білім алушылардың үлесі 44,5% құрайды. Осы мақсатта білім беру ұйымдарында 910 спорт секциясы жұмыс істейді.

92 білім беру ұйымдарында ашық ауада көпфункционалды спорт алаңдары (жүгіру жолдары, футбол, баскетбол және волейбол алаңдары) бар.

88 мектепте футбол алаңдары, 71 мектеп баскетбол алаңдары, 67 мектепте волейбол алаңдары, 8 мектепте стационарлық хоккей корттары, 10 мектепте теннис корттары бар.

Ұлттық ойындарды насихаттау және ұлттық спорт түрлері бойынша спорт секцияларында (қазақ күресі, тоғызқұмалақ) айналысатын балалардың санын арттыру мақсатында 2020 жылдың қазан айында «Өркен» балалар-жасөспірімдер дене тәрбиесі орталығының құрылымдық бөлімі «Арқа Алан» орталығы ашылды және әскери-қолданбалы спорт түрлері бойынша спорт секцияларында оқу-жаттығу сабақтарын ұйымдастыру және әскери-патриоттық бағыт

бойынша дене шынықтыру және спорттық-бұқаралық іс-шараларды өткізу мақсатында 2021 жылы «Жас тарлан» әскери-патриоттық спорт орталығы ашылды.

Құқық бұзушылықтың алдын алу маңызды алдын алу шараларының бірі – балаларды қосымша біліммен қамту.

Білім беру ұйымдарында 2183 үйірме мен секция жұмыс істейді, онда 151 104 бала айналысады. Қала бойынша қосымша біліммен қамту 76% құрайды.

Білім басқармасы мен ведомстволық бағынысты білім беру ұйымдары балалардың құқықтарын қорғау, кәмелетке толмағандар арасындағы құқық бұзушылықтың, суицидтік мінез-құлықтың және зорлық-зомбылықтың барлық түрлерінің алдын алу бойынша жұмысты жалғастыруда. Тоқсан сайын қалада қолайсыз отбасылардан шыққан балаларға, мектепшілік есепке, кәмелетке толмағандардың істері жөніндегі топтық есебіне мониторинг жасалады. Барлық жағдайлар бойынша кәмелетке толмағандар мен олардың ата-аналары құқық бұзушылықтың алдын алу бойынша мектепшілік кеңестерге шақырылады, отбасымен және жасөспіріммен жұмыс жүргізіледі. Өмірлік қиын жағдайдағы балалар мен отбасылар анықталған кезде материалдар кәмелетке толмағандардың істері және олардың құқықтарын қорғау жөніндегі комиссияға қарау үшін жіберіледі.

Жасөспірімдер қылмысын азайту мақсатында:

2022-2023 оқу жылында үлгілік оқу жоспарының вариативтік компонентіне 5-11 сыныптарда «Жаһандық құзыреттілік» курсы енгізілді. 5-8 сыныптарда курс 5 бірліктен тұрады: «Парасаттылық және этика», «Азаматтық және патриотизм», «Медиа сауаттылық және қаржылық сауаттылық», «Тіршілік қауіпсіздігі», «Экологиялық мәдениет», 9-сыныпта қосымша «Зайырлылық және дінтану» бірлігі енгізілген.

Жалпы білім беретін мектеп оқушыларының құқықтық сауаттылығын арттыру үшін

87 білім беру ұйымдарында құқық бұзушылықтың алдын алу жөніндегі менеджердің штат бірлігі енгізілді.

Әрбір білім беру ұйымының әлеуметтік паспорты баланың жұмыспен қамтылуын, үлгерімін, сондай-ақ қажеттіліктерін көрсете отырып, қаланың ювеналды полиция бөлімінің есебінде, мектепшілік есепте тұрған оқушылар туралы мәліметтер жасалды (бала болашақта немен айналысқысы және болғысы келеді).

Сонымен қатар, 2023 жылдан бастап Астана қаласы сотының бастамасымен «Ізгілік жолы» ҚБ ведомстволық өзара іс-қимыл туралы меморандум шеңберінде әкімшілік және қылмыстық құқық бұзушылық жасаған кәмелетке толмағандардың құқықтарын қорғау және әлеуметтік бейімдеу жөніндегі пилоттық жоба іске асырылуда.

Ювеналды инспекция және пробацация органдарымен өзара іс-қимыл арқылы жобаға есепте тұрған 18 жасөспірім тартылды, оларға тұрақты негізде білікті психологиялық көмек, бұдан басқа, баланың жеке қалауына сәйкес кәмелетке толмағандарға емтиханға дайындық курстары бойынша және спорт секцияларға қатысуға көмек көрсетіледі.

Білім басқармасы Ведомстволық (прокуратура, сот, төтенше жағдай департаменті, денсаулық сақтау басқармасы, полиция департаменті және т.б.) диалог алаңы арқылы «Қауіпсіздік сағаты» жаңа қалалық жобасын жүзеге асыруда. Жоба аясында қаланың 20 мектебі мен 4 колледжінде ата-аналар жиналысы өткізілді, оған 7000-нан астам ата-ана қатысты.

Педагогтар, оқушылар және олардың ата-аналары арасында «BalaQorgau» веб-сайтының жобасы бойынша QR-кодтары бар орналастырылған ақпараттық тақтайшалар бойынша түсіндіру жұмыстары жалғасуда.

Қасымхан СЕНҒАЗЫЕВ,
Астана қаласы
Білім басқармасының
басшысы

МЕКТЕПТЕГІ МУЗЕЙ

АБАЙТАНУДЫ ДӘРІПТЕЙДІ

Елордадағы №87 мектеп-гимназиясының ұстаздары тәлімгерінің зердесін оятып, рухани таным-түсінігін тереңдетуде Абай іліміне сүйенеді. Дұрысы, ғұламаның дүниетанымы мен көзқарасын дәріптеу арқылы саналы білім, тәлімді тәрбие беруге мән береді. Ал рухани-танымдық жұмыста мектеп қабырғасындағы Абай музейі септеседі.

**Нұрлат
БАЙГЕНЖЕ**

Бізді қарсы алған білім ордасының директоры Айгүл Оңдағанқызы:

– Біздің гимназия Абай

Елорда төріндегі мектеп музейі Семейдегі Абайдың республикалық әдеби-мемориалдық музейімен тікелей байланысты дамуда. Көп жәдігердің көшірмесін сол жақтан алған-ды. Олардың арасында тек мектеп музейінде кездесетін құнды

ты. Абайдың өзі жасаған тұмар домбыра да музейдің төрінде тұр. Ақынның бейнелеу әлемі, музыкалық мұралары және аудармалары туралы да құнды ақпараттарды музейден табуға болады.

– Біздің оқушылар музей ісіне



атымен аталатындықтан, ақын мұрасымен тығыз байланысты. Мақсат – білімді, тәрбиелі «толық адам» қалыптастыру. Құндылықтарымыз Абайдың талап, еңбек, терең ой, қанағат, рақым концепциясымен үндеседі. Қысқасы, бала Абай, ақын Абай, хакім Абай бойынша білім беретін елдегі бірегей мектепміз. Мұны мектеп музейі, «Абай» дебат клубы, «Абай нұры» газеті және тағы басқа рухани-танымдық қозғалыстар арқылы дамытамыз, – деп мән-жайды түсіндірді.

Мектептегі музейді жабықтап, ақын шығармашылығы мен мұрасын насихаттауға абайтанушы Алмахан Ғабдулина жауапты екен.

Семей қаласындағы Абай қорық-мұражайында ұзақ жылдарда мәдени-ағарту қызметін істеген маманды әңгімеге тартып, мектеп музейінің ерекшелігін сұрадық.

– Бала Абайды білмей, ақын Абайды, ақын Абайды білмей, дана Абайды тану мүмкін емес. Сондықтан хакім Абайды сағылап оқыту маңызды. Музейдегі жәдігерлер Абайдың болмыс-бітімін үш бөлімге бөліп, қарастырып, соған сай жәдігерлерді құрдық. Міне, біздің рухани-мәдени орталығымыздың басты ерекшелігі осы, – деп сөзін бастады музейші.



музейдің негізгі мақсаты да осы емес пе?! – дейді ол.

Абай желілік мектептерінің қатарына кіретін білім ордасының әр қабырғасында Абайдың тағылымын тануға әбден болады. Әрі оқушылары да ақынның өлеңдерін жатқа оқып, қара сөздерінің мән-мағынасын тарқатуға тырысты. Қысқасы, мектеп қабырғалары Абайды дәріптесе, оқушылары Абайша ойлауға дағдыланады екен.

